

B. N. C.  
FIRENZE

1158

13



4158.13

ORATIO  
DE LAUDIBVS  
HENRICI III.  
CHRISTIANISSIMI

Regis Galliaë, & Nauarraë.

FRANCISCO BOCCHIO AVCTORE,



FLORENTIAE,

Apud Bartholomaeum Sermartellum, & fratres.

M D C X.



DEPT. OF AGRICULTURE  
BUREAU OF PLANT INDUSTRY  
WASHINGTON, D. C.

RECEIVED  
JAN 10 1913

1913

1158.13

FLORIDA

OFFICE OF THE STATE HISTORIC

ARCHIVES

PERILLVSTRI, ET  
REVERENDISSIMO D.

DOMINO SEBASTIANO GALIGARIO,

Monasterii Maioris in Gallia Abbati,



**Q**UOD valde summo viro optandum est, habes, vir amplissime, facultatem, qua virtutem tuam explices, & nomen tua familia illustres. Est illa insignis sua sponte, sed rerum maximarum occupationibus quotidie per te aliquid addet, quamobrem augeatur magis, magisque; etiam excellat. In summi animi viro (ut tibi vsuuenit) vera virtus minime dormitat; sed laudibus incitata viros amores summi acquirendi decoris, atque egregios exuscitat. Summa facultas in optima voluntate vocat te ad vim virtutis quotidie exprimendam; hortatur, ne tibi desis; ut viris principibus istam virtutem probes, admirabili quodam modo te inuitat. Auclius enim benignitate Regina sacerdotio amplissimo, quantum potes vigilantia, & moribus sanctissimis omnium expectationi nauiter respondes. Splendidis meritis Eleonora, lectissima mulieris, sororis tua, in maximam eius cunctis dignita-

tem; atq; iis præfidiis munitus quicquid est gloriæ oblatum, admirabili quodam modo excipis, & auges. Hoc sacro congiario donatus, ut summis viris mos est, dignitatem antiqui tui stemmatis magnificè amplificas, tuorūq; maiorum decus locupletas. En præstò est tibi opportunitas, ut hanc familia tua dignitatē illustres, & te ipsum disciplinis clarissimis amplifices. Nusquam igitur offendes, numquam errabis, si Regium iudicium inspicies, numquam labère, si tuorum, qui in hac urbe floruerunt, merita spectabis. Utinam magis opportunis, magisq; etiam laetis temporibus te appellare possem; mihi crede, efficeret res ipsa, ut meus in tuā dignitatem animus gratior esset, & illustrior. Multò tibi, quàm mihi, melius virtus clarissimi Regis nota est, multoq; poetarum, atq; oratorum; quàm apud nos est, istic in Gallia proventus copiosior est; gēs igitur liberalis, & comis animi mei propensionem tam graui in negotio agnosceret, ut opinor, & quicquid est propositum, grato animo accipiet, & ne omnia excutiat, libenter, si quid erit offensum, conuiuebit. Has meas lucubrationes si leges, dum nobilibus artibus te exornas, & mihi gratum facies, & ut in te colendo semper aliquid addam, facile perficies. Tuis præterea suauissimis moribus, nobilissimisq; virtutibus incitatus hanc orationem de laudibus Henrici III. idcirco tuo nomini dicaui, ut, si fieri potest, dolorem imminuas; & sit testatum omnibus vel extremis in regionibus, Florentiæ non deesse homines, qui virtutem maxime Regis mirentur, & colant. Vale Florentia, laud. Nou. 1610.

*Franciscus Bocchinius amplitudini tue dedisti.*

ORATIO  
FRANCISCI  
BOCCHII

*De Laudibus Henrici IIII. Christianissimi  
Gallorum Regis.*



IM lacrimarum maximam hodie post homines natos casus nobis atrocissimus affert; repentinis insidiis, pro supreme Deus, nobis ereptus est is, qui sua magnitudine animi cauere omnibus consueuerat; extinctus est humana fraude vir insignis, qui ceteris sapientia præstiterat, quem orbis terrarum militari virtute omnium semper prudentissimum, & inuictissimum cognouerat. Succubuit sceleri Henricus, Rex Gallorum, qui prospicere in posterum tam optimè didicerat; victus est malitia, qui re nulla vinci posse putabatur: oppressus est repente, qui per multos annos posthac victuruse esse credebatur. O acerbitate nullis antea seculis auditâ? O perversitate crudelissimi hominis? ut què satis venerari, satis colere nemo posset, inuentus sit, qui immanis, & impius vim affertet, & vita scelesto facinore priuaret? Sed tamen, ne nostra oratio plurimis lacrimis augeatur, nimisq; multis querelis studere videamur; Sedulo, quod nostri muneris est, persequamur; & de virtutibus viri inuictissimi nonnullis verbis cogitemus. Regium genus non necesse habet, ut res à prima origine repetatur; omnibus notum  
sua



sua sponte, nullo loco intermissum, ius suū nulla interrupta e-  
 rie per multis seculis tuetur; in hac stirpe nominantur Reges  
 virtute militari, & moribus clarissimis insignes; diuinis meri-  
 tis celebrantur viri, qui sanctorum in numerum cooptati, ita  
 sanctissimorum Pontificum testimonium, & sanctæ Ecclesiæ  
 meruerunt, vt rem Gallicam admirabili quodam modo illu-  
 strarint. Præclaris rebus gestis cum ius Ecclesiæ ab homini-  
 bus impiis defenderint (quod maximum est in rebus humanis)  
 Christianissimi vocati sunt. Henricus ab iis initiis profectus  
 quàm magnæ rei inseruiendum esset, animo prospiciens, dictū  
 incredibile est, quàm multo labore se instituerit ad laudem,  
 quàm magna industria animum ornarit, quàm Regiæ ad sum-  
 mum se negotium comparauerit. Quæ futuro Regi necessaria  
 erant primis ætatis temporibus didicit; iis rebus, quæ summis  
 in occupationibus quærebantur, se ornauit; ciuilibus præce-  
 ptis, & militaribus sapienter se munuit, vt opportunè, & cum  
 vsus posceret, ad hominum salutem vteretur. Idcirco res nul-  
 la ei contigit tam repentina quæ inscientem inuenerit; nul-  
 la tam ardua, quam feliciter non confecerit. Summa ingenii  
 vis hominem exacuit, vt hominum expectationi egregiè re-  
 sponderet, ius diceret scienter, commodè explicaret, & sanctis-  
 simè denique statueret. Quæ dignitatem sequebatur, magna  
 erat potestas; quæ decus Regiæ comitabatur, summa erat  
 maiestas; qui ornabat decorem, splendor eximius honestabat.  
 Rex ipse tamen, ne superbia se efferret, ne insolentia sibi place-  
 ret magis, moderari magnitudini generis, & grauitati impe-  
 rij solitus fuit; vt Regalibus ornamentis sublimia petens, te-  
 nuissimo tamen cultu contentus esse videretur. Demissè ille,  
 & humaniter in summa potestate se segebat; fuit in eo maxi-  
 me mirandam, morum simplicitas, & dignitas excelsa; quæ  
 sua sponte dissuaditissimæ in hoc viro insigniter copulatæ mi-  
 rabiliter congruebant. Species Regia obiicitur, nihil, si atten-  
 deris, ea in Henrico magnificentius excogitari potest; vicis-  
 sim res infima proponitur: nihil ea remissius reperitur. Vt &  
 se Regem esse, cum infimis se æquaret, & in rebus excelsis cum  
 versaretur, non differre à ceteris hominibus ostenderet. Hoc  
 nomine omnium horarum hominem, sed sine imminutione  
 maiestatis Regiæ omnino dices. Cum se ad causam defen-  
 dendam contulisset, quæ ab omnibus comprobata est, suscepit  
 bella non animi causa, sed necessitate coactus; non postula-  
 uit

uit, quod esset alienum, sed ius suum requisivit; nec bella ex bellis serere, sed finito bello nihil nisi pacem deportare domum cogitavit. Et profectò, si rem metiri ratione volumus, nihil ei fuit magis in optatis, quàm vt totum Regnum pace communiret; & quando id alia ratione assequi non posset, armorum præsidio uteretur. Henrico potissimum contigit, quod populo Romano quondam vsuuenire consuevit; hic enim in pace bellum, in bello pacem quandoq; expertus est; dum foris hostem non habuit, digladiari inter se domi solitus est; Henricus verò in bello, multis, variisq; periculis imminentibus vel suspicione insidiarum omnino caruit; in pace, quæ sine periculis esse solet, humana fraude, vt videtis, victus est. O fragilitatem rerum humanarum miseram, & lubricam? ò spes fallaces, & inanes, quæ ante franguntur, & pereunt, quàm fructum aliquem impertiri expectantibus potuerint? Prò supreme Deus, fieri ne potest, hominem tanta audacia præditum reperiri, vt conculcatis virtutibus totum se tradat immanitati, humanitatis memoriam deponat, feritatem crudeliter induat, & rationi sibi; ipsi furenter se immutat? Vt re ipsa expertissimus, rebus grauibustrandis, magnorum hominum virtus quotidie expetitur, singulis pæne horis flagitatur; hæc nisi præstò est maximis in negotiis, videre licet quotidie, quàm multa mala magnis in ciuitatibus, temeritate impellente, oriantur, & quàm sint detrimentis grauibus subiectæ. Hæc, quoties opus est, firmis consiliis, recto itinere homines ducit, hæsitantes confirmat, ruentes sustinet, & ne vspiam sit offensum, omnia sapientissimè conquirat. Cui nunc exploratum non est, quàm benè, quàm egregiè hæc ipsa virtus in hoc Henrico III. dominata sit, quàm in viro industrio, atq; experienti potuerit vehementer? qui, dum oculis sapientiz in omnes partes se conuertit, ne deciperetur, omnia vidit, omnia scrutatus est, omnia deprehendit. Inscitiz locus datus non est, non socordiz, non remissioni animi; qui prospiciens, & vigilans, ne, se tenente clauum, Gallica Resp. detrimenti aliquid caperet, sed esset felix, & incolumis, omni tempore sapientissimè excubuit. Sed fuerit quam liber inuictus, fuerit fortis, fuerit constans; virtus tamen hominis tanti non fuit, vt tempore ipso vim caueret, & repentinas insidias suæ salutis causâ vitaret. Ceteris in rebus vt tam multas res sui Regni tam varias comprehenderet, tam difficiles, tam arduas complecteretur, magnis cum virtutibus adiutum crediderim.

derim; viri enim boni, cum se probitati regendos penitus tradiderint, facile, quod optant, assequuntur; diuinum numen præstò est, menti lumen suppeditat, & ne in suo itinere aberraret, fideliter gubernat. In re militari de illo verè dici potest, quod summis ducibus admirandæ virtutis causa tribuitur; quòd primus ante omnes prælium inire, vltimus conserto prælio excedere consueuerat. Consilio acer, fortis in periculis, sapientia inuictus admirabilem se, & præstantissimum effecerat. Quoties in acie se ostentare, & fulgere in armis visus est, toties sibi polliceri victoriam exercitus, & de summa rerum benè sperare solitus est. Castra Regia discessu tanti viri spoliata virtute, simul atque se dabat in conspectum, roborari mirabiliter, & reuiuiscere planè dixisses. In re militari res nulla erat, quam non didicerit, nulla difficultas, quam non superarit, nullum periculum, quod vehementer à se timendum esse iudicaret. Virum insignem sæuisimis obiectum tempestatibus vndiq; cernimus, qui cictus grummosis laboribus, & maximis difficultatibus oneratus dum se exercet industrie, dum contra res asperas fortiter luctatur, admiranda contentione animi dum pugnat, non modo tot malis non succubuit, sed ingenti omnium admiratione victoriam adeptus est. Iam verò quoties petitus periculis incolumis euasit? quoties difficultatibus imminentiibus aduersariorum impetù elusit? quoties hostium minas pro nihilo putauit? At dum in congressione hominum nimis liberè se gerit; dum nimia magnitudine animi hominum custodias suo in tñeno corpore recusat, oppressa est libertate libertas, & sui ipsius neglectio nimia negligentia victa est. Ablegatus timor periculum creauit; secuta ex periculo mors est, quæ, vita dum viget, ad eam labefactandam aditum nullum habere posse videbatur. In dissoluta cura datus est insidiis locus, & ne esset impunè tam magna neglectio, faciliè perfecit. Quibus nunc verbis, dum bellatum est, cunctorum locorum miseros casus prosequar? quo eloquentiæ flumine florentis Regni grumnas deplorabo? succumbam oneri, cui Henricus non succubuit; frangar tam ærumoso in negotio, in quo vir inuictus fractus non est; rem arduam silentio præteribo, quam ille fortissimo animo excepit; quin in rebus dubiis, & planè desperatis, cum rem proclinatam milites inspicerent, dum inflammato animo certatur, Henrico adueniente, tamquam sydere salutari, è vestigio recreati sunt. Tantum enim virtutis in hoc vno viro, tantum mi-

litaris

litaris industrię consistere creditum est, vt eo presente de rerū  
 euentu, de exitu pugnæ nemo dubitaret, sibi que omnia prospe-  
 re polliceretur. Me miserum; tam fortis animus, tam mirabi-  
 liter audax, tam necessario tempore Christiana in Repub. desi-  
 derabitur? virtus tam insignis in armis præsertim nequaquam  
 amplius apparebit? pugnæ illę tam fortiter pugnatæ posthac  
 vbi exurgent? obmutescent militares voces, quibus tam ma-  
 gnas victorias adepti sumus; vagabitur vis militiæ huc, atque  
 illuc, & sedem, in qua consistat, non habebit; firmum hoc pre-  
 sidium requiretur frustra, quoties miles in hostium castris clas-  
 sicum cecinerit; non deerunt suæ occasioni aduersarii, qui tre-  
 pidare ad nomen Henrici soliti sunt. Miseros populos, qui vi-  
 ta summi viri conquiescere solebant, nunc morte miserandum  
 in modum desilitos? miseras ciuitates, quæ singulis horis ad  
 sonitum armorum excitantur; miseras matrum familias, quæ  
 quotidie liberis suis timere coguntur; miseram Rempub. Gal-  
 lici Regni, quæ vastitati, & sœuitiæ addicta perpetuos bellorū  
 motus formidare, & crudeles rerum euentus cogitur experiri.  
 Dum igitur res singulas inspicimus, dum mores nobilissimos  
 perpendimus, dum vitam omni ex parte cumulatam virtuti-  
 bus contemplamur, nonne attendimus, quàm grauis morte  
 Henrici ex rerum magnitudine iactura facta sit, quàm sit lu-  
 gendus vir insignis, quàm requirendus, quàm optandus? Iure  
 optimo, viri honestissimi, vis ingens lacrimarum se profundit;  
 cuncta Gallia se se commouet; non sine causa vnusquisque Re-  
 gem tam beneficum, tam admirabilem desiderat; & in re tam  
 misera minimè mirum, si mœrore se excruciat, & dolore in-  
 consolabili se afflicat. Sed profectò vel insultantibus ærumnis  
 mens, quæ Deo se deuouit, non frangitur, sed confirmatur, nō  
 imminuitur, sed incenditur, non tentationibus vincitur, sed  
 probatur; ille nec territus minis; nec defatigatus laboribus  
 sublimia spectauit semper, & vt Dei voluntati inferuiret firmo  
 animo, & forti cogitauit. Dum igitur periculis, & detrimentis  
 crudeliter petitur, nequaquam in querelas effusus est, sed se ipso  
 maior mira patientia multis ærumnis creuit ad laudem, & se  
 ipsum ad magnas res obeundas roborauit. Vir bello clarus  
 rei militaris insigniter edoctus, & ciuilis facultatis nauiter  
 peritus, quoties fuit opus, vtramque in partem versare ingenium

mirabiliter didicit. & quid res vtraq; expeteret, egregiè cognouit. Idcirco res nulla contigit tam aduersa, cui non resisterit, nulla tam repentina, quæ imparatum offenderit; nulla tam difficilis, cui succubuerit, aut victus sit. Hic vir vnus omnia videns, omnia prospiciens regnum, quod maximis agitatum procellis acceperat, quietum, & pacis legibus munitum suis posteris reliquit. Oculis in omnes partes egregiè intentis contigit nunquam, vt res aliqua vel subito dormitantem inuenerit, vel oscitantem nimio otio deprehenderit: perpetuo cogitans, quid tot populi, quid tam multæ vrbes, quid omnes mortales suo in regno à se peterent, vigilanti, & Regio animo nil timens cuncta salutariter cauebat, Fuit illi, quod mirabile est, voluptas in laboribus; deliciæ in angustiis, oblectatio in ærumnis; qui vt suis opem poscentibus prodesset, difficultates imminuit, multisq; commodis sui Regni Rempub: affecit. Regnū opulentissimum, & maximum post mortem Henrici III. (quæ res ad suum ipsius genus pertinebat) Henricus IIII. magno animo suscepit, & cuncta negotia admirabili vigilantia, & Regia obiuit. Hostium genus multa exercitatione vegeranum magnam Henrico difficultatem afferebat; constabat vterque exercitus fortissimis militibus; eandem edoctus disciplinam, eisdem pænè in locis natus, eisdem moribus nutritus, vt multo sanguine constaret victoria, efficiebat. Genere igitur pares, disciplina non dissimiles, nullam in partem pugnandi consuetudine diuersi, si dimicaretur acie, viuendi difficultates augebant. Restabat ducum maximorum scientia, & virtus, quibus alter alterum victoria anteciret, & animi magnitudine superaret. Nunc verò, diiudicata re multis victoriis, quibus Henricus potitus est, satis iam exploratum est, eum omnibus nostris seculi ducibus præstitisse, militariq; laude omnium concessu superasse. Nemo fortasse in otio res gestas tot exercituum legit vnumquam, quot Henricus fortiter copiis militaribus præfuit: qui sæpius cum hoste conflavit, quàm quisquā arma belli gerendi causa induerit: Non Cæsari, non Marcello concedit, qui acie dimicando tantum sibi laudis pepererunt. Ter hic signis collaris pugnans hostes maximis præliis deuicit; magnis exercitiis, recentis oppugnandis, & recipiendis vrbibus ita militariter præfuit, vt ex eis ad suos summam victo-

riam

riam gloriôsè deportarit. Quòd terribilibus armis aucta est difficultas, idcirco laus quoq; aucta est; vt iure optimo cū vir summus summis cum ducibus comparandus esse videatur; Militandi etenim res durior est; ideo maximam laudem Henricus sibi hoc tempore iure optimo adsciscit. Multa non sine causa prætereo, iis, quæ dicta sunt, consimilia; ita enim sunt eximia, vt, si expromerem, fidem fortasse propter magnum numerum non facerent, quæ vir hic fortissimus ingenii, atque animi magnitudine peregit. Suscepit onus cunctis ex partibus periculosum, magnis cumulatam laboribus, cogitationibus arduis refertum; in quo per multos annos ita se se gessit, vt nihil sit in eo meditatū temerè, nihil actū, nisi grauitè, & sapienter. Dum vixit, suos populos admirabili caritate complexus est; dum vnicuiq; consuluit, quantum diligeret, ostendit; dum ius præterea dixit, quanti faceret suæ Reipub. salutem, demonstrauit, Verebatur ille, ne Regnum sibi ipsi dissentiens populorum disidiis scinderetur; &, vt concordia consentiret, sedulò studebat. Hoc nomine nullam recusabat molestiam, nullum formidabat periculum, nullum fugiebat laborem; quin etiam se ciuiliū contentionū procelis obiciebat; tentabat omnia, vt suis salutem afferret; &, vt sui votī compotes efficeret, laborabat. Misera omnino viro- rum principū conditio; quibus defatigatis conuiescere nō licet: vicisq; laboribus alii deinceps subito succedunt. Magnis periculis superatis, grauissimis negotiis confectis, cunctis hominibus, quibus cognitus erat, ad summam expectationem excitatis, restabat deinde, vt se iterum periculis obii- ceret, vt res militares magno animo obiret, vt quotidie de vi- ta dimicaret: iniquè nimis profectò, & planè crudeliter prò- ponebatur conditio, vt ad res easdem reuocaretur, in quibus quotidie versaretur luctus, quotidie lacrimæ, & plurima mor- tis imago. Meruisset minus Magni cognomen Alexander ille Macedo, qui tres annos, & triginta tantummodo expleuit, si longior illi vita contigisset; ereptus enim omnium expectatio ne orbem terrarum nominis sui gloria impleuit. Magno Pœm- peio minus res eadem congruere visa est; qui multitudine annorum dum gloriā rerum gestarum augere eniteitur, quod egregiè partum erat, magna ex parte obscurauit: A magna



ergo Henricus gloria discessit, à rebus amplissimis nobis ereptus est; quàm multis erumnis, quàm grauibus se periculis implicuisset, si vita longior suppeditasset, & facultatem negotiorum, occupatio, cur se exerceat, præbuisset? Nunc verò vnus quisque & gloriosis eum vocibus persequitur, & quàm fortasse requirit, misericordiam tribuit, & dignum maiore vita liberaliter existimat. Res magnas aggressus amplissimis se laudibus ornasset; quicquid tamen collegisset virtutis, repentinis posthac casibus subiecisset. Nunc circumfluens gloria, nobilibusque laudibus ornatus eo se decore communiuit, vt nulla vmquam ætas tam præclaris rebus gestis sit finem laudis allatura; Deo adiutus trophæis, & triumphis eò summa gloria peruenit, quò vel nemini, vel paucissimis licet aspirare. Hanc ipsam gloriosi nominis famam nec diuturnitas temporis imminuet, nec seculis futuris temeritas, aut casus obscuritatem allaturus est. Vim fortitudinis tota vita peregre iam intuemur, clementiam, liberalitatem ita admiramur, vt illa victos hostes, ceteris autem se ipsum à se ipso mirabiliter victum videamus. Vobis omnino notum est, quàm exploratis, quàm claris assensionibus nomen Henrici efferatur laudibus, quàm vbique secundo populo celebretur; qui probatus cunctis dum nobilissimis virtutibus se colligit, dum ad verum decus se exornat, facile assecutus est, vt Regnum quàm opulentissimum suis liberis, multisque præidiis firmissimum reliquerit. Quid vnusquisque dicat, quid sentiat, quid iudicet, quid de negotio grauissimum statuat, & in recenti re audistis, & nunc etiam maximè cognoscitis. Et profectò si res, si vir, si tempus, atque opportunitas spectatur, in hac Henrici morte summa planè omnia sunt. Agitur enim de fortunis Gallici Regni; agitur de commodis Christianæ Reipub. agitur de familiaris suæ incolumitate: atque vt vno verbo concludam, in hac re salus omnium propemodùm continetur. Sanctæ enim Ecclesiæ partibus numerandis, quibus Christiana Reipub. consistit, hæc vna portio Gallica iudicio omnium maxima censetur. Sed quæ res insignem hominem commouit, vt labores tam magnos obiret, vt curas tam sollicitas susciperet, nisi singularis virtutis amor, nisi incredibilis in Deum pietas? cui fideliter addictus, cum esset sanctitatis & probitatis iter ingressus, ita se claris moribus obstrinxit, vt

intueri

intuéri verum omnino decus, & contemplari non destitit. Vix, quo se reficeret, vel exiguum tempus ad animi remissionem tribuere solitus erat; districtus enim magnis negotiis, numquam solutus curis, numquam laboribus liber totum vite spatium traducere consueverat; qui factus ad rerum magnitudinem, quicquid difficultatis proponeretur, exorbuir, semperque ærumnosis negotiis se ipso maior omnia; à quibus ceteri vincuntur, superauit. Verbis numquam assequi possem, quam valde in omni temporum motu fuerit constans, quam in conuersione rerum stabilis, quam magnis in tempestatibus firmus; circa quem sæpe cum ruerent omnia, magno ille tamen animo semper fuit, seq; ipsum inuictum semper præstitit. Domuisse difficultates tam multas, tam duras ærumnas euasisse, casus tam varios superasse, si rem metiri ratione volumus, non sine diuini muneris præsidio omnino contigit. Iuuit eum virtus, patientia roborauit, quod benè cogitauit, firmitas animi ad exitum adduxit. Cum putaret secum, quam res magna esset, quam salutaris diuina cum causa consentire, & Deo omnipotenti militare, dictu incredibile est, quam vir summus euaserit, quam egregius, quam mirus; quicquid animo proposuerat, nauiter moliri, & conficere; quicquid cogitando molitus erat, persequi, & concludere consueverat. Influebant in animum recta consilia, & præclara; oriebantur sensus omni ex parte probati, & admirabiles; & cum res omnes, quas sibi sumptuerat, ad votum egregiè succederent, ex quo fonte sanctissimè imbiberet, facile apparebat. Mores insignes, quibus se ipsum, & totam vitam illustrauit, minimè ille tauti fecit, vt res postulare videbatur; quicquid enim ageret, quicquid cogitaret, maxima ille cum modestia, & demississimè ad diuinam probitatem & benignitatem referre sermo animo consueverat. Perspicimus humanitatem in hominum congressu, fortitudinem in periculis, clementiam in victoria, in rebus tractandis æquitatem, in moribus egregiis prudentiam; quibus virtutibus minimè ille ad speciem vsus est, sed isdem graui iudicio se ornauit. &, quoties fuit opus, grauissima negotia confecit. O virum laude vsque quaque perhibendum? O animum cunctis ex partibus efferendum? Diuersis in locis, variis virtutibus vsus est, vt res quærebat; in bello fortitudini, in pace humanitati multum



multum tribuit; minimè ille ceteras neglexit, quas in se cōluit mirabiliter; hæc duz tamen ita fuerūt ei in amoribus, vt ex iis cōstaret vir summus, & planè præcipuo quodammodo cōflarus esse videretur. Res multas, ne sim longior, necessariò pænè sîlêtio prætereo; quis enim benignitatem, vt æquum est, quis incredibilem liberalitatem, quis iusticiam, quis vitæ integritatem, quis miram in suos propensionem enarrabit? Tot enim se meritis vir amplissimus ornauit, tam multis beneficiis suos sibi populos obstrinxit, vt par pro pari referri nunquam possit. Sed crudelitatem opponere benignitati, immanitatem clementiæ, comitati sæuitiam, non id iam hominis est, sed mōstri omnino cuiusdam, & ferarum; vt quod ad miserationem in finire viri principis quondam dictum est, id ipsum nunc verus in Henrico dici possit.

*Menservasse, vt essent, qui me perderent?* tantum iniquitatis, tantum immanitatis ab homine nefario adhibitum est; vt quod sibi scelestissimè sumpsit, omnium cogitationes iam fugiat, cūm ferarum naturam omnem superet. Humanum sonitum vocis, & formam hominis tantummodo agnouimus; res ceteras, plus quàm monstri, plus quàm ferarum planè experti sumus. Finxit prisca ætas fuisse quondam duo monstra, quæ Italiæ, & Siciliæ litoribus infederunt, & dum nautas commeantes vltro, citroq; insectantur, naues opprimere, & mergere consueverunt. Sed monstrum nefariæ crudelitatis hodiernis diebus vidit nostra ætas; quod Regium sanguinem sitiens, tetera rima rabie impulsū ei vitam abstulit, qui, vt suis populis cōsuleret, diu victurus esse putabatur. O tempora, o mores? cui nullum periculum ymquam obsuit in bello, nulla vis Martis perculit, inuenta est humana fraus, quæ cædem, & sanguinem anhelans in pace cunctas omnium insidias crudelitate scelestissima superavit. Parcite lacrimis senes, quos durior fors ad hæc tempora referuauit; comprimate luctum iuuenes, quibus initio ætatis atrocissimi monstri vis oblata est; Non lacrimis, mihi credite, non luctu quisquam vestrum satisfaciet; maiora quædam postulat res inaudita, & nefaria, simul atque coniugem iniquo tempore orbatam viro, familiam teneris annis inuolutam contemplantur, atque ab odio inflammatus misericordiam admirabili quodam modo tribuet; & cūm hinc odium stimulet

stimulet, hinc pietas confundat, dabit cogitandi res vtrâque facultatem, nullo umquam tempore contigisse, vt tantum facinus sceleris tam detestabilis contingerit. Dies, qui diem mortis præcessit ( coronata est enim Maria Medices Henrici coniux ) vt clarissimus fuit, ita is, qui secutus est, planè terribilissimus. Hilarata est Lutetia sacra pompa, & splendidissima, sed dies proximus omnium animos luctuosiss cogitationibus inuoluit. Mors repentina Regis tantum attulit doloris, tantum lacrimarum, vt de omni lætitia iam fuerit conclamatum; fugit à nobis hilaritas, fugit lætitia, fugit etiam spes, atque extrema gaudii tandem luctus occupauit. O diram vicissitudinem, & importunam? ô conditionem administrandi Regni fragilem, & luctuosam? defunctus vir eximius magnis æumnis omnia iam se superasse iudicabat; victis periculis, quæ summis negotiis solent aduersari, firma quædam opinio venisse iam in portum cogitabat; exanclatis varii generis laboribus, nihil iam, quod obesse posset suis rebus, arbitrabatur. Renouata est, non dicam, crudelitas, sed rabies; sumpsit negotium immanitas, vt neci virum dederet innocentissimum; in qua re non odium, sed deprauata opinio scelus omnium sceleratissimum peregit. Vel cuncta omnia timent, quibus scelera mens est; ad minimû rumorem commouentur, quibus ob delicta eodem in statu conscientia non consistit; contrâ verò vir simplex, nil timens, & inuictus omni tempore quietus esse poterat; vt facillè insidiatori locus esset apud eum, qui, cur timeret, nullam causam habebat. In re atrocissima cur vniversa Gallia non se erexit? nõ gladium insidiatori de manu subito extorsit? non corporum oppositus opposuit? non hominem crudelissimum à faciendo vulnere retraxit? cur belluam furoris stimulis incitaram non oppressit? Sed valuit fraus vehemens nimis; valuit vis repentina; potuit res nullo umquam tempore perpetrata, vt omnium cogitationes momento temporis superaret. Tu dexteram, vir iniquissime, qua in fide præstanda uti solemus, ad virum clarissimum occidendum porrexisti? tu vitis, & sceleribus cooperatus hominem suæ sibi fidentem innocentie ferro aggredi ausus es? tu nulla iniuria commotus, vt terribiliss eses gratis, Regem omnium maxime insignem extinxisti? tu appropinquare ad rhedam mente sacrilega pro nihilo putasti? tu Regem impuro

puro animo initiatum sacris oculis tuis inquinatis intueri potuisti? tu, dum ferire velles, te ipsum insigni maiestate viri deterritum non reuocasti? O portentum in ultimas terras deportandum? o monstrum nec nostris, nec prisceis seculis auditum? Proiectis legibus, concalcata pietate, reliquum est, ut qui rem Gallicam saluam velit, ad te veniat, mitissime Deus, petitem opem; ut eam grauissimis procellis agitatam subleues, & quod in te maximum est, & salutare pro tua pietate precipue iuues. Res nostras, quibus floruit hoc Regnum, nunc parum firmas experti sumus; consiliis, quibus multum tribuimus, nemo est, qui confidat; spes facta est inanis, qua vnusquisque nitebatur; tuam idcirco erga nos gratiam expetimus; de cælo tuum ad nos præsidium inuocamus; ut tuo impulsu Respub. subleuata cursum institutum salutariter prosequatur; & postea quam se tua virtute incitarit, ad salutem capeffendam, te inuitante, feliciter accedat. Si res cunctas vestris ingenii ponderibus expenditis; si quicquid est crudelitatis, sentitæ consideratis, si quicquid est sceleris contemplantini, nihil nec tam impium, nec tam detestabile reperietis. Crudele est hominem quemuis sine causa extinguere; crudelius Regem iniquissime interficere; nefarium facessere cuiquam negotium; magis nefarium morte subito afficere; iniquum contra ius aliquid moliri; iniquius iuris auctorem vita crudeliter priuare; impium Dei ministrum in terris insectari; magis tamen impium Dei voluntati aduersari; scelestum querere hominem ad cædum; scelestius viri salutaribus virtutibus muniti sanguinem effundere; detestabile Regem ferro adoriri; detestabilius Regem Christianissimum, cunctis gentibus venerandum è medio delere. Virum admirabilem crudelis fors, diu vixit, crudeliter exercuit; importuna vis quædam perpetuo insectata est; animus tamen generose audax in rebus ærumnosis factus est amplior; constanter minis contra nitentium se opposuit; periculorum irruentium impetum fortiter excepit, atque hostium salutem magna cum laude superauit. Locus præterea deliciis apud eum nullus fuit, nullus remissioni animi, nullus voluptatis; clarissimis enim se virtutibus vndiq; cinxerat, atque ad id constantissime vigilabat, ne vlla rei vllius labes ad se opprimendum posset aspirare. Ne quid mali irrumperet in summas occupationes, videre

vias

vias omnes ( si rē benè perpendimus ) penitus interclusas,  
 aditus omnes occupatos; vt. nisi vis quædā dira interuenisset,  
 nullus periculis, nullus infidiis locus futurus esse videretur.  
 Quod autem non posse fieri putabatur, audacia detestabilis  
 viam inuenit; & vt, factū facile esset, vis atrox, & nefaria per  
 fecit. Vos nunc fortissimi centuriones, qui dum ille viueret,  
 tam egregiè floruiſtis, hoc tam graui casu sentire iam cœpi-  
 stis, quàm magno ex statu vestra dignitas conciderit, vestra  
 auctoritas sit imminuta, quàm omnis vis Martis in vobis fra-  
 cta sit; quæ magnos exercitus regere, & gloriosè incitare ad  
 victoriam consueuerat. Luget armorum dignitas, quæ viri  
 fortissimi virtute vignerunt; cruciant se militares artes, qui-  
 bus ad hoc vsque tempus non sine laude hoc Regnum opulen-  
 tissimum stetit. Qui multum sapit, sollicito animo est, &  
 quorsum fluat res Gallica, animi pendet; vt nisi Dei omni-  
 potentis prouidentia respiciat, maximæ vastitati addicta es-  
 se videatur. Maxima in præsidio probitatis iactura facta est,  
 in subsidio innocentia, in tutela virtutis; omnis hilaritas,  
 spes omnis in viri clarissimi obitu ceciderunt; deploratum  
 est iam pene de cunctis viribus, quibus ad virtutis opus vti  
 consueuimus. quid? cunctis præsidii delicti curā nobis  
 ipsis opem non imploramus? at nostra vis omnis infirma est,  
 & leuis; necessariorum, & familiarium beneuolentiam non  
 requirimus? at vnusquisque sibi ipsi consulit, suumq; intuens  
 emolumentum omnino aliorum utilitates paruipendit. Ti-  
 more inuicti exercitus terrebat Henricus hostes; simul atque  
 appropinquare dictus est, quò sibi vnusquisque consuleret,  
 salutem, proiectis armis, pacisci consueuerat; animo inimi-  
 co Parisiorum vrbs multa perfecerat, hostiliter diu se se ges-  
 serat; vt si belli ius respiceres, nihil, nisi sauum, atque atrox  
 posset expectare. Aduentu Henrici ad urbem, qui ad vindi-  
 candas iniurias properabat, subito fracta est, in Parisiis ob-  
 stinatio, qui Henrico progressi obuiam, & petentes veniam  
 eidem se dediderunt; nec victoris, sed pacificatoris more  
 eum exceperunt. Non ille passus est vinci se ab ira vir inui-  
 ctus, qui superatus precibus omnia, de quibus rogatus est, in  
 sensissimis aduersariis concessit. Vox illa præclara audita est,  
 vt, quorum animo pepercerat, parceretur etiam prædæ; re-

conderent milites vaginæ gladios, & victoriam, quæ vulnerere, & sanguine gaudet, ignoscendo nobilitarent, Martenq; nouo vincendi genere illustrarent. Hic est ille, qui ut viri principes inter se dissidentes, pacato animo essent, nouo fœderis sepiusimè perfecit; hic est ille, qui, dum utitur officio, non solum sapientissimi ducis, sed munere etiam fortissimi militis, rem perditam quandoque in præliis restituit; hic est ille, qui parua manu, ut re ipsa probatum est, magnos exercitus fudit, castris exiit, & fugauit. Iam verò cum facies iracundix in eum perpètè iustissimæ causæ emitterent, quàm leni ille animo semper tulit, quàm tranquillo? qui, quasi ne leniter quidem perstrictus esset, & patienter se se gessit, & meliorem in partem rem accepit; crebroque vsuuenit, cum in eum per homines iniquos vis molestiarum se ingens effudisset, ut eas exciperet hilariter, & naturæ suæ facilitate deuoraret. Contumelias profecto, & sui contemptum parùm attendit vir insignis; simul atque nocentem hominem, obloquentem in sui ignominiam, sed paulo post petentem veniam cognouit, factus est repente mitis, & misericors; petenti tribuit salutem, de qua desperauerat, pietatem largitus est, cum sibi timeret vehementer; ut, qui belli, & pacis leges egregiè didicisset, fortissimus in bello, mitissimus in pace diceretur: Præterea victis, cum staret fortiter à meliore causa, superari satius fuit, quàm vincere, & optatius vincentem non minus libenter, quàm pacificatorem intueri. Quò sua probitas, simplexq; animus perspiceretur magis, casus admirabilis interuenit. Dum geritur bellum in Sabaudia, non nulli è suo numero ad Regem scribunt, versari suis in castris duos viros, qui, communicatis sensibus præstò essent, ut captarent occasionem, qua cum incautum opprimerent, & facto impetu occiderent. Quo in negotio ne facultas errandi præberetur, imagines etiam pictæ insidiatorum missæ sunt; res iam deprehensa cum conueniret, & vultus similitudo planè congrueret, admonebatur à suis Rex, ut homines carceri includeret, & tormentis verum ab insidiatoribus exquireret. Noluit ille tamen suo iudicio confirmatus bene monentibus assentiri; affirmans vitam suam in manu Dei Opt. Max. sitam esse; cui potissimum referebat acceptam, nulliusque sce-

leris diutius ab eo impunitatem dari. Singulari quadam humanitate commouebat homines, inuitabat verbis ad petendum, donis inflammabat; & quò sua animi propensio esset testatior, omnia polliceri, & præstare consuevit. Factus vir eximius ad liberalitatem sua sponte, simul atq; Rex salutat<sup>us</sup> est, dictu incredibile est, quàm valde hanc vim naturæ cumularit, animi magnitudinem amplificauerit, Regiis muneribus auxerit; hæc vna virtus largitatis, & magnanimitatis ceteras virtutes superat, & continet. Hæc genus humanum singularibus beneficiis, & salutaribus auget; hæc hominem ipsum Deo quàm simillimum mirabiliter reddit. Efferebat se gaudio, dum liberaliter ageret, vir egregius; exultabat lætitia, quoties magnificentiz opus exercebat; se ipsum verò factus maior salutem dando superabat. Quàm esset præditus summa pietate ædificata templa Henrici nomine toto Regno testantur; monimenta egregia declarant regali sumptu pristinum in splendorem restituta, quàm valde illi religionis cultus cordi esset; Hoc nomine tributum est ab eo multum piis hominibus; sed viros Societatis I E S V ita inflammato studio complexus est, ita coluit veris indiciis liberalitatis, & benevolentiz, vt in hoc negotio excolendo nihil sibi reliqui fecerit. Reuocauit Rex mitissimus, qui ex suo Regno ablegati fuerant; excepit redeuntes tam benignè vt non mediocriter fuerit illa offensio expetenda, quæ tam magno honore compensaretur. Nunc moribus sanctissimis, nobilissimisq; artibus insignes & Regis iudicium mirabiliter comprobant, suumq; opus instituendis adolescentibus egregiè illustrant. Legibus sacris hic vir summus multum tribuit; viris religiosis ita se dedit, Summoque Pontifici præcipuè; vt cum Clementis VIII. gratiam exquireret, nihil eo modestius, nihil demissius esset in petendo; Ad hanc rem concedendam durior primò inuentus est Pontifex; qui tamen cum eius animum nimis se abiicientem, atq; afflictan- tem inspiceret, vinci se demum passus est: atque Henricum vel absentem liberaliter complexus multò plus, quàm quod ille peteret, dilargitus est. Iam verò aliis rebus animi sui sensus mirabiliter ostendit, quantopere esset sibi ordi sanctæ Ecclesiæ dignitas, & quàm illi valde in sacri



hominibus consultum esse vellet. Percrebuerat rumor multis in locis, esse in animo Turcarum Dominum, ut fratres omnes Franciscanę familię sinibus suis pellerentur; cuius rei causa rogatus Henricus legato suo scripsit, qui Bizantii Regio nomine commorabatur, ut ad ipsum Turcarum Dominum suo nomine adiret, & magni beneficio loco rogaret, ne id faceret. Quod mandatum erat, tempore ipso legatus feliciter exhaust; atque eo pacto acta res est, ut ex Henrici sententia succederet. Quo tempore per viros principes sancta Hierusalem ex Infidelium manibus recuperata est, eodem pene Templariorum Equitum Ordo institutus est, ut peregrinos comitarentur, qui non sine periculo, ut visserent Sanctum IESU Christi sepulchrum vitro, citroque commeabant. Extinctis vero Templariis, barbarisque hominibus cuncta tenentibus, magna pietatis iactura, extinctus etiam peregrinis mos est sacri itineris. Restabant nostra ætate sex Conuentus Franciscanę familię, qui ut Templarii faciebant peregrinos benignè exciperent, & quibus rebus possent, suis facultatibus iuuant. Hos omnes si nunc Turcę sustulissent, extinctus etiam penitus mos esset sancti itineris, nullo præsidio relicto. Quod nunc durer, id vni Henrico acceptum referendum est; qui vera pietate commotus cunctos mortales cunctis ex locis commeantes ad sepulchrum exquisito beneficio, & maximo affectit. Ex quo tandem Henricus vulnus accepit, exiguum intercessit tempus, donec è vita migraret; sed animo ad patientiam confirmato, & vindictam sui proditoris in se oblitus est, & suę salutis memor. Deo demississimè supplicauit; ut se in conspectum diuini numinis venturum pro sua pietate exciperet; & quando Christianissimi Regis nomen ferret, misericorditer intueretur, piisque animis se aggregaret. Cum gressu moribundo ad mortem festinaret, non defuit sibi vir experiens, & sapiens; qui dum se excurere enititur, suaq; in conscientia expianda torus est, morti obuiam factus diem extremum sanctissimè conclusit. Per magnus hic hominum, & mulierum concursus, cunctusq; Florentinus populus, qui, ut funus honestissimè celebretur, frequentissimè conuenit, quam valde hæc summa laus sibi ac cordi; e gregiè ostendit. Magnus, verò Dux & sua sponte impulsus

impulsus, & affinitate commotus, dum honestandis exequiis præsto est, postea quam suo officio multis lacrimis respondit, nonne planissimè indicat, quàm cara fuerit sibi virtus Christianissimi Regis, & pietas? Hæc nunc atrata cohors quoties inspicitur, roties in cunctis doloris maximi renouat memoriam. Hæc Diui Laurentii Ecclesia tam pulchra, tam insignis atratis pannis cooperta dum attenditur, dum funalibus tota pænè inflammatur, & maximi Regis desiderium designat, &, quantus vir fuerit tota vita, faciliè declarat. Felix omnino Gallia, si frui splendidissimis meritis tam summi Regis diucius contigisset; fortunata gens, si sua in tranquillitate durare potuisset; beata omnium voce, si intestinas insidias opportuno tempore cauisset: quæ dolore, & luctu inuoluta ad motus vel leuissimos nunc trepidat, nec sine timore, quorsum rerum summa decadat. planè consistit. Sed quod cunctis iam populis, cunctæq; Galliæ foelix, & faustum est, omnipotenti Deo, Diuisque omnibus curæ est res Gallica; en præsto est Ludouicus Henrici filius, qui patri, diuino iuuante presidio, feliciter succedit. Hic vel parente orbatus, clarissimisque moribus institutus ad nomen sanctissimi Regis excitatus res præclarissimas, & summa expectatione non indignas pollicetur. Sedulo curat, vt in se virtutis colligat quàm plurimum; quicquid enim sibi vel mali, vel boni contigerit, ad Gallicam Rempub. sentit pertinere. Quod verò egregium maximè est tam paucis in annis, mirabiliter patris fat; &, vt respondeat orbis terrarum opinioni, admirabili quadam indole se comparat. Ludouici nomen, quo appellatur, igniculos suppeditat; spem maximi Regis iam exuscitat, & vt nomen vnâ cum vita Sancti Ludouici in filio Henrici III. reuiuiscat, mirabiliter ostendit. Vt graues homines affirmant, per multum instar in ipso est; si accedet maturitas ætatis, augebitur virtus, & Sanctæ Ecclesiæ, vt credere dignum est, operam suam sanctissimè nauabit. Regina mater interea sibi ipsi non deest; & vbiq; in Regia vigilia summa virtute occurrit; omnia videt, omnia curat, ad noui Regis salutem omnia intelligit; fuit in tanta rerum perturbatione firmitatis, & constantiæ mirum exemplum; dedit vitz, integritatis ea documenta, quibus & Gallica Resp. subleuata



leuata est, & ne in casu tam atroci mali aliquid amplius exurgeret, sapientissimè prouidit. Hæc mulier lætissimis prædita moribus tantum virtutis, tantum in se virilis decoris collegit, vt dignitatem, qua magnificè ornata est, mirabiliter honestet, & Regis de se iudicium sua sapientia illustret. Fuit mira animi fortitudine, vt in sententia permaneret; vt res, quas instituerat, assequeretur; vt perficeret, quod propositum erat; quo in negotio non labori, non vigilantia, sibi ipsi denique non pepercit; & in rebus cum secundis, tum etiam aduersis nemo eam aut perturbatam vultu, aut commotam animo vidit vquam. Tu nunc, mitissime Deus, qui terrarum orbem nimia fragilitate nutantem quotidie multiplici benignitate sustentas, oculos tuos pietatis ad rem

Gallicam conuerte; & qua parte laborantem inspexeris, tuere, & custodi; præsto est enim gens militaris, & pugnax, vt sanctissimis auspiciis cuius viribus Sanctam Ecclesiam defendat, arma expediat, & benè mereri de re Christiana Repub. nullo tempore desistat.

D I X I:

*In supradicta Oratione nihil quod fidei, vel bonis moribus sit contrarium continetur.*

*Camillus Pandulphinius Canonicus Florent.*

Facultatem impertimur imprimendi Florentiæ prædictam orationem, ordinibus consuetis servatis die 30. Augusti 1610.

*Petrus Nicolinus Vic. Generalis Florent.*

*Fr. Benedictus S. Off. Florent. Vicarius 2. Sept. 1610.*

*F. Cor. Flor. Inq. 30. Sept. 1610.*

Stampisi secôdo gl'ordini questo di 14. di Sett. 1610.

*Niccolò dell'Antella Senat.*

2  
1158. 13

1870

1871

1872

1873

1874

1875

1876

1877

1878

1879

1880

1881

1882

1883

1884

1885



